



Auto Moto Klub Vihor



Antuna Branka Šimića 6
71000 Sarajevo, Bosna i Hercegovina
+387 67 14 08 501
info@amkvihor.ba
www.amkvihor.ba

Kodeks ponašanja i načela članova Auto Moto Kluba Vihor

1. Poštovanje i jednakost

- *Svaki član AMK Vihor dužan je poštovati druge bez obzira na pol, nacionalnost, vjeroispovijest, starosnu dob, političko mišljenje ili bilo koju drugu razliku.*
- *Strogo su zabranjene nacionalne, religijske i političke teme i razgovori koji mogu izazvati razdor među članovima.*
- *Posebno se naglašava da se prema svakoj članici kluba treba ophoditi s punim poštovanjem i uvažavanjem.*
- *Diskriminacija, vrijeđanje, govor mržnje i bilo koji oblik uznemiravanja nisu dozvoljeni.*

2. Kultura komunikacije

- *U svim javnim i internim komunikacijama (društvene mreže, događaji, sastanci) zadržavamo kulturni ton i međusobno poštovanje.*
- *Kritika je dozvoljena samo ako je konstruktivna i dobronamjerna.*
- *Širenje lažnih informacija, ogovaranje ili narušavanje ugleda kluba nije prihvatljivo.*

3. Sigurnost i odgovornost

- *Svi članovi obavezni su poštovati saobraćajne propise i sigurnosne standarde, kako u vožnji, tako i prilikom učestvovanja na događajima.*
- *Drogiranje je izričito zabranjeno.*
- *Alkohol i bilo kakvo neodgovorno ponašanje tokom vožnje ili organizovanih aktivnosti strogo su zabranjeni.*
- *U slučaju bilo kakvog problema ili incidenta u saobraćaju, ukoliko se utvrdi da je član bio pod uticajem alkohola ili opojnih droga, klub zadržava pravo da donese odluku o trajnom isključenju, te će se javno ograditi i osuditi takvo ponašanje.*

4. Reprezentacija kluba

- *Svaki član, noseći obilježja AMK Vihor (majica, naljepnica, zastava, društveni profili itd.), predstavlja klub i dužan je ponašati se dostojanstveno i odgovorno.*
- *Negativno ponašanje koje šteti ugledu kluba može dovesti do opomene ili trajnog isključenja.*



Auto Moto Klub Vihor



Antuna Branka Šimića 6
71000 Sarajevo, Bosna i Hercegovina
+387 67 14 08 501
info@amkvihor.ba
www.amkvihor.ba

5. Učešće i međusobna podrška

- Očekuje se da članovi aktivno učestvuju u aktivnostima kluba i doprinose pozitivnoj atmosferi.
- Pomažemo jedni drugima — na cesti, u organizaciji događaja i u svakodnevnim situacijama.
- Ukoliko se član nađe u nevolji, posebno ako je iz drugog mjesta, svaki član koji je u mogućnosti, dužan je ostaviti trenutne obaveze i priteći u pomoć, naravno u okviru svojih mogućnosti i sigurnosti.

6. Privatnost i povjerljivost

- Interna komunikacija i informacije kluba ne smiju se dijeliti javno bez odobrenja.
- Poštujemo privatnost članova i njihovih ličnih podataka.

7. Posljedice nepoštivanja pravilnika

- Kršenje ovog pravilnika može rezultirati:
 - usmenim ili pismenim upozorenjem,
 - privremenom suspenzijom iz aktivnosti kluba,
 - trajnim isključenjem u težim slučajevima.
- Klub zadržava pravo da se javno ogradi od svakog ponašanja koje narušava njegovu reputaciju.

8. Zajednički cilj

- AMK Vihor okuplja ljude koje povezuje ljubav prema vozilima, vožnji, prijateljstvu i međusobnom uvažavanju.
- Poštujemo jedni druge, čuvajmo reputaciju kluba i budimo primjer zajednici, na cesti i van nje.